



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-6129/18
Sarajevo, 29.11.2018. godine

Na osnovu člana 21. stav (3). tačka c). Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 14. i 70. Zakona o javnim nabavkama („Službeni glasnik Bosne i Hercegovine”, broj 39/14) – u daljem tekstu: ZJN i preporuke Komisije za javne nabavke Ministarstva unutrašnjih poslova kantona Sarajevo za 2018. godinu, imenovane Rješenjem br 01/5-1-14-4-2073 od 12.03.2018. godine u postupku provođenja tenderske procedure za nabavku tonera, ketridža i ribona za potrebe Ministarstva unutrašnjih poslova Kantona Sarajevo, putem otvorenog postupka, ministar unutrašnjih poslova Kantona Sarajevo, **d o n o s i**,

ODLUKU

o izboru ponuđača za nabavku tonera, ketridža i ribona za potrebe Ministarstva unutrašnjih poslova Kantona Sarajevo

I

Na osnovu Odluke broj 01-14-4-6129 od 06.09.2018. godine i Obavještenja o nabavci broj 1364-1-1-50-3-44/18 od 23.11.2018. godine, proveden je otvoreni postupak za nabavku tonera, ketridža i ribona za potrebe Ministarstva unutrašnjih poslova Kantona Sarajevo sa predviđenim potpisivanjem okvirnog sporazuma u trajanju od 24 mjeseca.

Komisija je shodno Zakonu o javnim nabavkama, primjenjujući kriterij "najniža cijena", zapisnikom o pregledu i ocjeni ponuda dala preporuku da se donese Odluka o dodjeli ugovora ponuđaču Crobox d.o.o. Sarajevo sa cijenom ponude od 104.976,00 KM bez PDV-a.

II

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

III

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka broj 01-14-4-6129 od 06.09.2018. godine, i obavještenja o nabavci 1364-1-1-50-3-44/18 od 23.11.2018. godine, proveden je otvoreni postupak za nabavku tonera, ketridža i ribona za potrebe Ministarstva unutrašnjih poslova Kantona Sarajevo sa predviđenim potpisivanjem okvirnog sporazuma u trajanju od 24 mjeseca.

Komisija je konstatovala da je na osnovu Obavještenja o nabavci broj 1364-1-1-50-3-44/18 od 23.11.2018. godine, proveden otvoreni postupak za nabavku tonera, ketridža i ribona za potrebe Ministarstva unutrašnjih poslova Kantona Sarajevo sa predviđenim potpisivanjem okvirnog



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



sporazuma u trajanju od 24 mjeseca, te je javno otvaranje ponuda izvršeno dana 13.12.2018. godine u 11.00 sati, što je konstatovano zapisnikom sa otvaranja ponuda od 13.12.2018.godine.

Dostavljanje zapisnika sa otvaranja ponuda je izvršeno prema učesnicima postupka nabavke u zakonskom roku.

Na oglas o javnom nadmetanju, a prema Zapisniku sa otvaranja ponuda od 13.12.2018. godine, Komisija konstatuje da je ponudu dostavio jedan ponuđač i to:

1. Crobox d.o.o. Sarajevo, Franjevačka broj 6, 71000 Sarajevo, ponuda primljena 13.12.2018. godine u 9:45 sati;

Nakon izvršenog otvaranja ponuda, Komisija je pristupila analizi dokumentacije priložene uz ponudu u smislu provjere njene validnosti obzirom na iskazane zahtjeve Ugovornog organa u tenderskoj dokumentaciji, odnosno, vrednovanju ponuda u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima.

Ponuda ponuđača je dostavljena u zapečaćenoj koverti, sadrži original i kopiju ponude, a obje verzije su uvezane i zapečaćene jemstvenikom.

Ponuda ponuđača Crobox d.o.o. Sarajevo: Cijena ponude je 104.976,00 KM bez PDV-a. Obračunati PDV je 17.845,92 KM i ukupna cijena ponude sa PDV-om je 122.821,92 KM. Cijena je upisana brojevima i slovima na obrascu za cijenu ponude.

Od strane ponuđača dostavljena je sva potrebna dokumentacija koja je tražena tenderskom dokumentacijom što je detaljnije opisano u zapisniku o ocjeni ponuda.

Shodno utvrđenom činjeničnom stanju, **Komisija je jednoglasno dala preporuku ministru Ministarstva unutrašnjih poslova Kantona Sarajevo da donese Odluku o dodjeli Ugovora za ponuđača Crobox d.o.o. Sarajevo.**

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema Obavjesti, a u skladu sa članom. 99. i 100. Zakona o javnim nabavkama.



DOSTAVITI:

1. Sekretaru MUP KS;
2. Uprava podrške;
3. Komisiji za nabavke;
4. Odjeljenje za odnose sa javnošću;
5. Ponuđačima x 1;
6. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

